

連江縣志

癸酉仲春
劉涵寬署牋

山川 卷四

水利 卷五

城市 卷六



地310.23
42
P.212

連江縣志卷四

山川

山川可志而嶺峰巖洞石嶼礁山之屬也溪浦港潭泉池川之屬也烏可以不志第山川與名勝二而一實一而二若不釐定終覺混雜故已入名勝志者概不重錄力祛複疊之弊焉

山總

山分正脈護脈正脈白羅源尖山分祖鼇峯過峽稍右曰紫霞山一名紫羅山左障曰文殊山由文殊南下至真如分一支東出至鱸山為邑東北方海上諸山之祖又一支東北出至大鍾山為保安建興諸山之祖由真如正出一支至長龍諸山歷洋門東塘矮嶺兩水夾護下趨左從烏巖達財溪右從洋門出西上社入牛溪更歷三望即山東南轉矮嶺入朱步羅崙塘後上下汀迤邐為附郭之山拱衛縣治護脈自白巖西下入白蓮利畚松光又東越周溪口至陀山入上社止於牛溪白巖北有羅漢山脈出羅源

連江縣志

卷四

山川

七景塘逾登仙山東出獅山鳳巖又東為岐兜西有雙髻北轉寶林松嶺為西北方右翼乾隆志云古傳連山脈自福甯霍童遠而難尋又云自正會於羅崙口以入治今據堪輿家詳察白巖一脈至鱸峯南下一支至邱上社口牛溪隔斷惟文殊由真如至朱步以入治儲又分為二其一南入烏巖達透堡又南由新嶺入古洞山歷浦口嵐墩其一東入鹿池下為龜魚山又東至南峯三德馬鞍鼇鼻諸山而至海為東北方左翼治南案山脈由侯官壽山至湯嶺漸東歷雲峯寶溪張旗諸山復起文筆覆釜至金鼇右轉五馬迤東大坪旗山又東而玉樓王孫雲居諸山抵小塢牛尾而至海治北後屏曰九龍山脈自洋門東塘入龍滌而南止於岱雲龍臥閩都記云北枕香鱸西聳文筆東挹龍臥三峯扼其口大坪橫其前此節錄嘉慶志總論山之大勢而諸山之較著者仍分紀之

城內山

各門所補入均據采訪册

文山屏衛學宮

宋嘉祐十三年知縣趙汝固以濬鳳池之土培成寶祐二年常挺增之清雍正十一年知縣袁本濂乾隆四年知縣

咸號言先後培壘

欽平下里山

九龍山一名湖山在山下鄉有古道塲世傳有香爐飛置其上鄉人為宮祀之今九天宮即其地也

治南新安安慶二里諸山

五馬山在金鼇山右五峯拱向形如奔馬

金鷄山在文筆山南相傳山石有聲剖之見金鷄飛出

利安山

旗山下為彭田鄉

大坪山頂坦夷如平地與旗山相連

玉樓山一名月樓商泊在海中望此山以入港

福斗山壇壝詳祠祀志與五虎山遙對為會城海東門戶

治東永貴里及二十九二十八二十七二十六四都諸山

洪塘山在江之南岸

嵐墩山在江之北岸二山為江門之扁鑰

連江縣志

卷四 山川

二

大嶂山在篠塲百勝間

筆架山即三德山又名三台在松塢山坑間

馬鞍山雙巒連聳如馬鞍宋紹熙時儒學東向視若几案

龍山定海最高之山有石塔一層

治西清河光臨安中三里諸山

西山在玉泉山左下有濂湖

朱步山山脈入縣山腰有塔吳文華為祖墳造

陀山有峯秀出雲表可望大洋海船

松光山

上社山

困山宋鄉賢陳舜申兄弟父子葬此墳側有焚黃石碣詳名勝志

橫槎山

張旗山

寶溪山

梅洋山

雲峯山

山有月石
詳下石類

湯嶺山

山下有溫泉
詳名勝志

白巖山高聳入雲為西北方羣山之宗

虎頭山

有岩址
馬道

治北賢義安義中鵠三里諸山

大帽山在東塘鄉後

洋門山

龍滌山岡巒如龍滌水夾澗而出

楯山即古樓山中有仙人洞其左出一山有文硃石色紅俗呼文硃山

紫霞山

一名紫羅山
唐鄉賢張
瑩家此

鳳巖山

畚民
所居

連江縣志

卷四

山川

三

松嶺山前對文硃為西北方右翼

治西北仁賢安定二里諸山

利畚山

白蓮山

岐兜山

羅漢山脈自羅源七景塘來界於中鵠仁賢安定三甲間頂有石壇石池

棋盤諸勝傳有聖僧居之

按此山實夾羅源界
通志分紀於兩邑

五峰山一名琉璃山蓋合大甕缺鼻天湖雙髻

山而名

據協修孫維華述五峰脉自羅源梧桐山至連江下渣分支綿互
清光臨安中仁賢安定五里說與嘉慶志異豈有一山能包各

里諸山

而名乎惟云五峯頂有天池下有石門時或見
猩猩來去清順治初林國賢黨羽據此山事或有之

雲頭山

極產茶
極佳

黃巖山

畚民
所居

馬仙山

頂有馬仙
娘神龕

登仙山在莆邊鄉

獅山下即溪東鄭氏世居

治東北嘉賢上下及安德保安建興集政上下共七里諸山

鹿池山畚民所居製茶特佳

龜魚山

南峰山

古洞山在烏巖嶺東由新嶺入此有巨石仙人跡

大鍾山右一支自牛洋經髻美峰出元柄

積石文峰上有蝦蟆石詳下石類

文屏山為文峯之餘脉

鼇鼻山

玳瑁山在厦宮西北其東南俯臨大海頂有蠣殼黏附人以為異

海上諸山

連江縣志

卷四

山川

四

南竿塘山即上竿塘原屬連江後割屬閩縣今仍屬連

北竿塘山即下竿塘二山在定海外東南海中遙遙並峙明洪武初徙其民於內地

東洛山

西洛山

西洋山三山在北茭外海中明嘉靖三十五年倭寇犯縣官軍擊却之由此夜遁

魁山在西洋東

社洛山距治水程一百四十里

橫山在北竿塘下距治水程一百六十里魚舫簇此采捕

東湧山距治水程二百四十里

嶺

館頭嶺在新安里赴館頭路清乾隆四十七年邑民林訓九捐貲砌路五百丈嘉慶九年其子維琮維璣維琇重修

東峯嶺在新安里赴秦川路

澄巖嶺赴寨洋路

儒洋嶺赴儒洋路

馬門嶺由寨洋赴長門三嶺皆屬安慶里

筱塢嶺百勝嶺俱由永貴里關頭上趨赴百篠二鄉

大下嶺在二十六都赴北菱路

馬頭嶺界於海

陀市嶺在清河里陀市白塔寺僧通誠募修

梅洋嶺赴省東門

袁公嶺在巖角陳溪山上邑至省舊路險阻難行明嘉靖間知縣袁鑑改砌於此故名

湯嶺一名雲嶺赴省大路清光緒間鄭存理砌修自茶亭至西溪橋止

管花嶺赴侯官降虎砦四嶺皆屬光臨里

七里嶺在仁山嶺凡七里故名唐宋間赴省官路朱晦翁過此於路旁書陟謁二大字

五峯嶺赴高岳路十餘里間分五節隨地別有土名

翠林嶺赴小滄路

連江縣志

卷四

山川

五

水槽嶺俱砌以石

峩嵒嶺通芙蓉山嶺旁有石刻佛號五嶺皆屬安中里

洋門嶺赴長龍路

矮嶺聯屬遏然山

三望嶺卽三崗三嶺皆屬賢義里自東湖矮嶺至此十餘里路僧通誠於清光緒間募修

龍嶺在龍報恩寺旁

訓嶺界山邊朱灣間赴透堡路

上洲嶺可通文殊山羣玉峯三嶺皆屬安義里

東禪嶺界丹陽龍門塘間

俞裴嶺舊傳爲俞裴二姓所闢亦僧通誠募修

西山嶺在西安寺後山

利嶺唐宋時赴省官路四嶺皆屬仁賢里

中蓬嶺由莆邊赴小滄大湖路

小嶺在嶺下鄉可通羅源古田

庄後嶺通羅源之後埭三嶺皆屬安定里

透嶺由透堡赴邱儲路

烏巖嶺由透堡赴嘉賢上里巖石黑色道險而仄上下峭壁數百丈舊有石橫

阻路中者三馬鼻節婦林氏以五十金賃工鑿平之碑立嶺頭二嶺皆屬安德里

南門嶺在保安里馬鼻南門近年張俊芹陳鴻藻等募修

赤石嶺在建興里通積石虎頭山

南峯嶺赴麻坂下瀨路

官嶺赴白鶴鶯頭路二嶺皆屬集政上里

坑園嶺在集政下里赴象緯下宮路

峯

蓮花峯在新安里秦川山石削瓣若蓮花故名虎洞在其下

雙髻峯在二十六都定海

連江縣志

卷四

山川

六

龍門峯在賢義里

鳳楯峰在安定里羅轄羣玉峯之南

中蓬峰在安定里尖秀如巨峭摩天

雙峯在嘉賢上里文殊山正出一支先起此峰

龜峰在保安里馬鼻海上作五龜入海一龜回頭狀下卽下井與鱸峯對峙

峙

髻美峯在建興里

南旗峰在集政上里輞裡

巖

獅子巖在永貴里雲居山南片石屏立雲中俯瞰大海

觀音巖在二十六都官塢

菩薩巖在安中里坡西三里許峭壁下臨深澗陟險乃可上

瀨巖在安中里小滄溪經流處謂之三水瀨石壁高數百丈亘十餘里環

繞如石城上有山名金山

紫巖在中鵠里石作青紫色傍鳳楯山而高起

潘昉句

昔人自有兩赤壁此地何妨先紫巖潘號紫巖故也又云何當瀑布山前路臥看飛淙瀉石嵌

倪公巖石峽壁立空其中得大士及倪公像

洞

盤谷洞在新安里北乾山盤紆詰曲而登

龍領洞在永貴里上澗溪古樹交柯臨流竅穴中深邃莫測

中巖蝙蝠洞在中巖寺後深二十餘步中濶丈許蝙蝠懸掛巖石

疑即天窗洞

白蓮洞在陀山麓四壁綴石中空敞如二間之室二洞皆屬清河里

鷓婆洞在安中里西山陬古木交柯籐蘿延蔓

清道光間有畚民某獠升以入探鳥雞其中見兩鼎

對覆上安一碗水一劍橫其上某携歸腹奇痛禱祝還故處尋愈

巖桂洞在白沙

明知縣劉燧愛其幽勝時往遊焉有磨崖刻詳名勝志

老樓洞在仙屏大小深淺明晦凡十數處有石門石室石几

清乾隆初邑人鄭野嘗隱

連江縣志

卷四

山川

七

其中死葬洞上二洞皆屬仁賢里

獅頭洞在安定里大溪東深廣約二丈許俗呼獅嘴

小陽洞在安德里透堡

青藜洞在保安里馬鼻龜峯後

倉前蝙蝠洞在倉前山兩大石相夾深邃十餘丈上下二小門高約三丈

闊約百餘步中產蝙蝠大小不計

桃源洞在梓錦山麓俗呼上洋東坑二洞皆屬建興里

南旗洞在集政上里輞裡南旗山

石

棋盤石在覆釜山下南乾山更有仙人石保安里棋盤山上亦有棋盤形

旁有坐痕

紗帽石在覆釜山下北乾山上有大石不著苔蘚狀若幞頭故名

飯甌石在新安里覆釜山後有石如甌俗呼飯甌石

狀元石在永貴里王孫山下相傳草叢生其頂則邑多登第

石馬在永貴里蟾步江濱狀若脫繯渡流

石蛤在蟾步對江大如透白肉芝

石龜在永貴里塢江中有若吞氣而曳尾者故名集政上里亦有之

石牛在二十六都龍津港若蹄角立天將雨則潤如汗流

青溜石在二十六都北菱海岸石峽上汗吐成字拭之則減少頃復明土人以爲仙蹟

月石在光臨里雲峯山中形如月夜能明

香石在安中里蘆瀨逍遙院旁中有竅探之則香聞於外

童跡石在安中里坡西金雞山下有童子足跡

虎頭石在安中里虎頭山有石如虎頭故名

牛鼻石在安義里屏風山下千夫鑿石水穿石出如牛鼻

挺石在仁賢里翠林嶺邊一巨石方廣丈餘中加一石大僅五六尺上又

連江縣志

卷四

山川
石嶼

橫一石方廣過之無意手揮卽動有意則否似雲居山之指動石

馬石在保安里馬鼻海岸疊石聳峙權奇若馬

龜尾石在馬鼻龜峯後有迴掉百丈於大海中

蝦蟆石在建興里積石文峯大如室元孝子王志居蟾蜍園卽此

石盤在建興里髻美峯右兩巨石巋然獨立指撼輒動不止亦名指動石

嶼

梅嶼在新安里海岸

月嶼

青嶼一作星嶼二嶼皆屬二十七都

墨嶼

洋嶼二嶼皆屬二十六都

鶴嶼

前嶼

後嶼俱在集政上里

擔嶼在羅轄濂塢南屬連江北界羅源

礁

破苦礁在小長門北龜

龍珠礁在大長門划鯨港

三蒲礁在福斗山虎港中

白礁在烏猪港北岸

犁頭礁在烏猪港上東岸灣有旋渦能覆舟

烏猪三礁在烏猪港底大者一小者二八礁皆屬安慶里

牛頭礁在永貴里篠壇百勝間

北菱礁在二十六都自北菱山穿入於海復為巨石湧出

大牛礁在北菱鼻左

小牛礁在北菱鼻前

連江縣志

卷四

山川

九

覆釜礁

烏豚礁二礁交錯豎立

竹排礁

三髻礁俱在北菱右旋五里菱南東鼓

大礁俗呼罌魚島船至此多遭險產紫菜特佳

川總

清初舊志謂南城外鼇江廣四百尺納古田懷安羅源三邑之水東下注海而嘉慶志又述雍正三四兩年洪水後郡守胡承謀履縣勘災屬令探討水源時有陳君元劉爾魁二人應命行遍閱上流具圖以報云一自古田秀峯寺出一自古田牛頭嶺出俱至杉洋一百二十里一自閩清雪峯出一自侯官裏村出至大廷坪俱一百八十里三源並會流於雙口渡此作雙溪羅源志云雙溪一接雙口渡一接伏溪流達霍口溪右而古田之昆樓溪亦古田水嘉慶羅源之羅溪入焉左而侯官之西峯水入焉又經羅轄之霍口溪合文武溪伏

溪雙溪諸水經流掌瀨小滄併侯官之日溪及赤口溪口之水悉注焉自是東北注高岳即大鑿小鑿龍潭東岸西南注芙蓉溪桂湖至陳溪合流七十

里至治前鼇江由江達海出馬道環一折再折至杉子崎一名淡水崎為江海

交會處又歷山藏至東岱越三十里外水漸鹹為海又漸東下而松塢中

麻蛤沙東坪小埕以至定海水洋距縣七十里復轉而南則達雙龜五虎

日月二嶼上下竿塘轉而東北則水洋距縣安海九十里黃岐一百里苔

藁一百二十里奇達北菱一百三十里迤邐濂塢羅轄而入馬鼻內成一小

海此外有前嶼擔嶼下嶼皆為海中漁舫停泊之所其由治南館頭嶺外

歷下塘至福州港及雲居山外之定安大小塢百勝荻蘆七澳又遠而西

洋東湧皆連轄水洋也海潮之來由南北竿塘大洋湧而匯於進嶼乃入於連江福州二港時亦由此出海西自月嶼至連港西南自日嶼至福州港西北至蠓塢海岸南至梅花所南菱北自後澳至北菱惟東面則四通八達揚帆放鍼無所不到若夫山峽旁支分注之水近則有洋門之發源嶺頭遠

則有橫溪之發源施洋再遠則溯自鼇峯其他莆邊之水出自七景塘羅轄

則有橫溪之發源施洋再遠則溯自鼇峯其他莆邊之水出自七景塘羅轄

連江縣志

卷四

山川

寶林之水出自長熙貴安之水出自小滄並匯於羅崙合大溪水屈曲而

東其出口有斗門諸山為內關岱峯諸山為捍門復行數十里左則蛤沙

中麻以為外護右則大小塢定安以為外衛此川行之大勢也嘉慶志云形家以連

山自西來水亦自西至其勢太順賴江海潮汐一日兩度逆上可補其闕

溪

西村溪在欽平上里發源洋門山東南分水嶺逆流二里匯入東湖

利安溪在新安里發源文筆諸山出覆釜山下合浦淑入江明永樂十三年縣丞翁彥

忠設紙場於溪旁尋廢

雪溪源出新安里覆釜山下合利安之水入於浦地舊有寺後圯

竹溪在安慶里發源黃崎山采通志帶赤沙埕前經龍塘入江

洋西溪在永貴里源出雲居山下逆流出東岱塘入江

關頭溪在永貴里源出百勝嶺逆流出東岱塘入江

大樵溪在二十八都發源鱸峰南下鹿池逆流至樵橋歷益砌浦口入江

小塘溪在二十八都發源烏巖之龍津歷白渣入海

黃花溪在二十六都安海源出玳帽山過黃花洞直趨大海懸流數百丈
周溪在清河里有石關溪口下爲潭上接朱公溪水合三峽以注牛溪
牛溪在清河里爲橫溪鼇峯長熙莆邊四水所匯溪流入江

寶溪在光臨里源出雲峰上自潘渡凌嶺下達羅崙縈繞村落

蘆溪在光臨里僻在山隈不通孔道

長園溪在光臨里有三源一出芙蓉山下一出九峰山中一出北嶺頭下
宦溪併滙於桂湖出溪灣折而東北至長園合小滄水

西溪在光臨里有二源一出侯官後坪踰連界李朱翁一出梅洋頂逆流
滙壩頭溪出巖角卽陳溪

陳溪在光臨里去治七十里上受侯官古田寧德羅源并連界之水入江
廷洋坂溪在安中里發源侯官壽山後踰芙蓉山下菁樓入連界嵐口至
廷洋坂會小滄水

連江縣志

卷四

山川

十一

飛石溪在賢義里發源洋門山東北出倒橋西行入牛溪會朱公溪水

賢義溪在賢義里發源真如山之西有石滌至山腰度分水嶺由洪塘轉
鵝角崙至鋪坪廷橋下出桂林會朱公溪水

後埭溪在中鵠里源發文殊山東陔經下坑其坑有一大石自山頂至山
麓傾側如刀中有仄徑可行約五里許俯瞰飛瀑潺潺石磴出羅源大
磯而入海

后溪在中鵠里發源羅轄梅溪里之鼇峯隨山自東而西至連界南坂洋
鳳巖之水趨之折而東寶林洋頭諸小水次第注入復轉而南至丹陽復
自東而西經磨下蔣洋又折而南會流於仁坂雙溪

雙溪在仁賢里仁坂其源發於羅轄化一里飛仙巖至梅溪里長潭經流
連界之斷流港卽瀾水曲折下趨遞納安定里各墩之細流直至仁坂與后

溪合

朱公溪在仁賢里上接雙溪下趨流軍坂而南更歷大坂邵地山下又東

過桂林載書港出上社夾流陀市溪東至陀口馬角會流於潘渡

財溪在嘉賢下里發源鱸峯南下邱儲經烏巖嶺逾龍宮裡轉入財溪逆

流經岱雲出烏石橋入江財溪舊與山下塘接而倒流入縣俗謂旺水今塞

傅山溪在嘉賢上里發源文殊山南下至真如出屏風山下巨石高廣十

餘丈水下如垂簾卽石峽千工埧出新洋經傅山下至邵地下會朱公溪

水

鯉溪在保安里發源於鱸峯之北有龍潭水入焉舊轉有赤鯉常潛其出中能興雲致雨故名

單透橋經牛頭澳至塘尾而下馬鼻塘入海

斜裡溪在保安里發源古圳會土坎之水經坂田下過王坡橋外入王孫

塘至海

浦

珠浦俗稱浦下在欽平下里有斗門瀛東湖水並可通江湖

秋江浦在矩庾鄉尾江濱夾岸雜樹修篁幽深曲折清邑人鄭香構耕亭在此讀書

連江縣志

卷四 山川 浦港

無名氏詩

九曲簷簷谷漁郎小艇通書聲何處是颯颯落江楓

鑄鼎浦在治南江濱其始人多在此業冶故名二浦皆屬新安里

浦頭在永貴里江邊潮漲則由外浦上閘環裡浦至洪塘潮退則由洪塘

下閘而出裡外浦通稱曰浦頭

浦口在二十九都明代為避風停泊之港今其地成大村落僅餘一浦

江湖可入

幕浦舊為浮洲明代築堡民居稠密

魚滄浦摩崖檢詳名勝志二浦皆屬嘉賢下里

港

荻蘆港

烏豬港

划鯁港

雙龜港

五虎港五港皆屬安慶里

螭塢港在二十七都

高塘港

小下港與螭塢高塘二港皆可避風停泊

官塢港

八使港

奇達港五港皆屬二十六都

斷流港在安定里瀾水港由羅轄長潭流至此而伏故名其上皆亂石嵯

峨陰崖蒼鬱人跡罕到伏二里許復見

拱頭港在安德里為鯉溪之水所經行

洩門港在集政下里羅源志云距鼇鼻山闊一千丈深二十五丈

潭

洋門潭即西村龍潭在欽平上里潭深邃水澄瑩四時泛溢下注於東湖

連江縣志

卷四

山川

十二

何其偉遊記

歷遠至此而夷水乃與石為遊時不見龍潭土人云舊有龍今上
琴之瑟之羅之殼之細成而避亂水避而稍伏則水之湍者風能
觀妙於水而悅之漸遠而忽妙於飛而悅於耳至耳之聲漸而忽為
為奔雷之觀漸遠而忽妙於飛而悅於耳至耳之聲漸而忽為懸瀑
若鱗之鬪而蛟龍號而雨之泣倒峽別山震耳眩目而瀉者瞿然
悚然矣此又無論龍與龍即以為神物所居別幻靈境倘亦信然
足訝也從潭而豁目乃復浩乎窮於無際而暢為大觀矣然則西村
一望忽而潏也乃潏乎浩乎窮於無際而暢為大觀矣然則西村
面湖而背潭也乃潏乎浩乎窮於無際而暢為大觀矣然則西村
焉斯不可記

金鼓潭在寶華山下

石碣潭在岸側層石崩起障江流稍折而南雲雷常起其地

金雞潭在陀市山中水盈大石之口下則深澗石旁有龍跡焉三潭皆屬

清河里

橫槎潭巨石交互渡口其下泓深不測

小洄潭在溪濱崖石壁立水勢潑洄相傳亦有龍潛

黃甲溪在雲峯山下相傳明時有黃甲魚怪
師公潭在長園溪崖下相傳舊有巫者住宅大水衝陷宅址變成深潭溪
船過此每聞鼓角聲

骨凍潭在西溪山上石磴盤渦深不見底澗水從石壁瀉下有骨凍族居
其中能興雲致雨旱禱輒應五潭皆屬光臨里

石滄潭在中鵠里紫雲山前

五峯潭在仁賢里五峯地幽邃而水澄鮮相傳有龍潛焉

赤坑潭在安定里山谷中巨石壁立數十丈下有靈物潛淵旱禱輒應

財溪潭在嘉賢下里高崖峻險人跡罕到時見霧霾陰翳

永興潭即保安里鯉溪

鉢孟潭在集政上里峽山寺側孽龍居之有寺僧沉鉢孟於潭弭其怪

泉

解醒泉在新安里秦川鏗泉堂側夾二巨石如甃相傳醉者飲之輒醒酒

連江縣志

卷四

山川

十四

俗呼金雞井

磨崖刻詳
名勝志

祠山泉在清河里玉泉山麓聖烈祠後飲之可以療病

石牛泉在馬鼻海中相傳泉湧則其地出貴人明孫瑛嘗應之

鹹泉在半塘元柄間於田中出有斥鹵味二泉皆屬保安里

池

文池在文山左

武池在文山右二池俱宋代鑿屬學前鋪

天王寺池在縣西鋪宋知縣宋日隆因祝聖道場而鑿有石刻放生所三

字後移道場區於通濟橋飛泳亭

今不
可考

龍興觀池在東門外創於明代

後被沙伏營
卒佔為園

瑞墨池在安慶里斗門山麓水色黑溢則邑之登第者多

後此池為土
人潛水溉田

瑞蓮池在西門外宋天禧乾興中每聖節則率僚屬命緇流放鱗介於其

中今不
可考

富家池在西門外

昔富家居此
最先故名

鳳凰池在上長汀長數十丈濶三四丈水不盈不竭三池皆屬清河里
洗馬池在二十九都

任家池在鳳巖任宅內池廣五六丈種紅蓮

紅蓮池在松嶺章宅前池廣畝許產紅蓮

前園池在前園三池皆屬中鵠里